

Ngā Haurongo: Hauora Aotearoa me Ngā Heamana me ngā mema o te Manatū Hauora Māori

Hauora Aotearoa

Mr Rob Campbell CNZM – Heamana, Hauora Aotearoa

He kaiwhakahaere ngaio matatau a Mr Rob Campbell, CNZM CFIInstD, me ōna mōhio matawhānui mō ngā kaupapa uniana, ngā whakahaere poari rāngai tūmatanui me te tūmataiti mō te 40 tau i roto i ngā āhuatanga rerekē, ā-motu, ā-ao hoki. Kei Tāmaki Makaurau ia e noho ana.

I tēnei wā ko ia te Heamana o Ara Ake Ltd, SkyCity Entertainment Group Ltd, Tourism Holdings Ltd, WEL Networks, NZ Rural Land Company me te Tumuaki o Te Wānanga Aronui o Tāmaki Makaurau. Ko ia anō te Heamana o te Just Move Trust e mahi ana me ngā hāpori o te Tonga me te Uru o Tāmaki Makaurau e hāpai ana i ngā mahinga āhua noho hauora.

I te tau 2017 i tohua ia ki te NZ Shareholders Association Beacon Award me te Deloitte NZ Chair of the Year Award, ā, i te tau 2019, i whakawhiwhia ia ki Te Takahoa Matua Whakanui o Aotearoa me te Ākongā Tawhito Hira o Te Herenga Waka.

Hōnore Amy Adams

He kaitōrangapū tawhito a Ms Amy Adams nō te Pāti Nahinara, ko ia te Mema Pāremata mō Selwyn mai i te tau 2008 tae noa ki tōna mutunga mai i te tau 2020, ā, he Minita ia mai i te 2011-2017. Kei Waitaha ia e noho ana.

I puta tōna ihu mai i Te Whare Wānanga o Waitaha me ngā hōnore tiketike mō te ture i mahi a Ms Adams hei rōia, hei pātui matua e whāiti ana āna mahi ki te ture arumoni me te rawa mā Mortlock McCormack i Ōtautahi i mua i te kuhunga ki te Pāremata, ā, i tōna wāhanga tuatahi i riro i a ia ngā tūranga Heamana o ngā komiti whiriwhiri o te Pūtea me te Whakapaunga me te Ture Pōti me te noho hei mema ki ngā Komiti Ture, ngā mea Pōti me Arotake Waeture.

Ko ētahi o ngā kōpaki Minita a Ms Adams ko te Minita Take Taiao, Whitiwhiti Kōrero me Ngā Hangarau Mōhiohio, Te Tari Taiwhenua, te Ture, Ngā Kōti, te Pāhotanga, Ngā Whare Noho Pāpori, te Haumitanga Pāpori me te Minita Tuarua mō te Tahua me te Whakarauora Mai i te Rū o Waitaha.

Ms Cassandra Crowley

He Kaikaute Whaitohu a Ms Cassandra Crowley ā, he Rōia Matua ia me te Rōia nō te Kōti Teitei o Aotearoa. He maha ana tūranga poari whakahaere i roto i ngā tūmomo rāngai o te ohanga puta noa i Te Ika-a-Māui. Kei Rotorua ia e noho ana.

I tēnei wā ko ia te Kaitohutohu Arumoni ki Te Arawa Management e whakahaere ana i ngā rawa tōpū neke atu i te \$100m nō ngā rāngai ahuhenua, ahumāra, hanga rauemi me ngā rawa whare. I mahi ia i mua i te taha o Ngāruahine kaua te whakahaere noa iho i ngā rawa tōpū i mua me muri o ngā whakataunga kerēme engari me te ārahi anō i tētahi whakahaere me ngā tūmomo mahinga arumoni me te kaupapa aroha whānui.

Ko ētahi o ngā mōhio hauora o Ms Crowley ko ia te Heamana Matua o ngā DHB 20, i tohua ia mai i ōna hoa heamana; te heamana i ngā hui a ngā Heamana DHB katoa me te noho hei takawaenga i waenga i ngā Pouārahi o te motu, te Manatū Hauora me ngā Minita Hauora, me ngā tūmomo rōpū rāngai. Ko ia te Heamana o te Poari Hauora ā-Rohe o Taranaki i tēnei wā.

Vui Mark Gosche

He kaiārahi matua a Vui Mark Gosche nō te iwi o Hāmoa me Te Moananui-a-Kiwa, tae atu ki ngā rāngai hauora, hauātanga, hapori hoki o Aotearoa. Kei Tāmaki Makaurau ia e noho ana.

I tipu ake, i kuraina hoki ia i te Tonga o Tāmaki Makaurau, he āpiha wā tūturu a Vui Mark me te Northern Hotel, te Hospital & Restaurant Workers Union, i muri mai ko te Service Workers Union, ā, ko ia tā rātau Hekeretari mō ngā tau maha. I whakauru atu ia ki te Rōpū Reipa i te tau 1981, ā, ka uru ia hei mema Pāremata i te tau 1996 me te kawae i ngā tūranga Rūnanga Kāwanatanga, tae atu ki te Minita o Te Ara Poutama, Minita o Te Whare Ahuru, Minita o Te Manatū Waka, me te Minita o Te Manatū Moana-Nui-a-Kiwa. I mutu mai ia i ngā mahi tōrangapū i te tau 2008.

I tēnei wā ko Vui Mark Gosche te Heamana o te Poari Hauora ā-Rohe o Manukau Whānui me te Heamana o te Poari o Kāinga Ora me te Poari hapori.

Kahurangi Tākuta Karen Poutasi

He tohu hauora tā Kahurangi Tākuta Karen Poutasi e whāiti ana ki te hauora tūmatanui me ōna mōhio matawhānui mō ngā poari whakahaere, kaiārahi hoki i roto i ngā rāngai hauora me te mātauranga. Ko ētahi o ana tūranga tumuaki ko ia te Pouārahi o Te Mana Tohu Mātauranga o Aotearoa me te Whakataka Matua Hauora i mua. Kei Paraparaumu ia e noho ana.

Ko Kahurangi Karen te Heamana Kaikōmihana o te DHB o Waikato, te Heamana o te Rōpū Poari Whakahaere o te Kaupapa Kano Ārai Mate KOROUNA-19, Heamana o Wellington Uni-Professional, he kamupene āpiti nā Te Herenga Waka me te Heamana o Taumata Arowai, te kaiwhakarite ratonga wai.

Ko Kahurangi Karen anō te Heamana Tuarua me te Whakataka o Network for Learning me te Heamana o te Komiti o Aotearoa mō Harkness Fellowships.

Ms Vanessa Stoddart

Ko Ms Vanessa Stoddart te kaiārahi matua kua 30 tau te roa o ana mahi tumuaki me te poari whakahaere i roto i ngā arumahi hanga rauemi, tākai, rererangi me te pūkaha. I te tuatahi he rōia arumoni ia, ka whakawhiti a Ms Stoddart ki ngā mahi whakahaere panoni, whakapiki whakatūtukitanga me ngā tūranga kaiārahi i mua i te ārahi i te Rōpū Tākai o Ahitereiria a Carter Holt Harvery me te whai i ngā tūranga tumuaki matua me Air New Zealand. Kei Tāmaki Makaurau ia e noho ana.

I puta te ihu o Ms Stoddart i te Australian Institute of Directors, ā, he mema whaitohu ia nō te New Zealand Institute of Directors. Ko ētahi o ngā tūranga i tohua ia e te Kāwanatanga ko te uru hei mema ki te Better Public Services Advisory Group, te Komiti Ōtita me te Mōrea a DOC, Te Arawhiti ki te Hapori, te Heamana o te Komiti Arotake me te Mōrea a MBIE me te mema o Te Amorangi Mātauranga Matua. Ko ia anō te Heamana o Global Women i mua.

He whakataka motuhake anō a Ms Stoddart mō te New Zealand Refining Company Ltd, OneFortyOne Plantations Pty Ltd, ā, he mema ia nō te Financial Markets Authority.

Tākuta Curtis Walker (Te Whakatōhea me Ngāti Porou)

Kei Te Papaioea a Tākuta Curtis Walker e noho ana, ā, rata ia me te tohunga ate i Te Pae Hauora o Ruahine o Tararua. He tino whānui ōna mōhio ki ngā mahi poari whakahaere, kaiārahi haumanu me te kaupapahere tūmatanui.

He rata kararehe ia i mua, i hoki anō a Tākuta Walker ki te ako i te rongoā ā-tangata, i tīmata tana mahi i Te Hōhipera o Waikato me te whakangungu ki te rongoā rō tinana i mua i te neke ki Te Papaioea me Te Whanganui-a-Tara ki reira whakaoti ai i ana whakangungu motuhake, ka uru ia hei Fellow of the Royal Australasian College of Physicians i te tau 2015.

Ko te nuinga o ana mahi i pau ki ngā whakarātanga hauora tuarua, tuatoru hoki tae atu ki ngā tūranga poari whakahaere puta noa i te rāngai hauora, ko ia te Perehitini o te New Zealand Resident Doctors Association, te Tiamana Tuarua o Te Ohu Rata o Aotearoa me te ārahi i te Planned Care Equity Advisory Group a Te Manatū Hauora. Ko ia te Heamana o Te Kaunihera Rata o Aotearoa.

Ms Sharon Shea (Ngāti Ranginui, Ngāti Hauā, Ngāti Hine, Ngāti Hako)

Mema poari me te māngai ki te Manatū Hauora Māori mō te Poari o Hauora Aotearoa

He tohu BA/LLB (Tāmaki Makaurau) tō Ms Sharon Shea me tētahi Tohu Paerua Kaupapahere Pāpori Whakataurite (Hiranga) mai i Oxford University. He wahine tino matatau a Ms Shea ki ngā mahi poari whakahaere me te kaiārahi puta noa i ngā rāngai hauora, hauātanga me te hapori. Kei Tāmaki Makaurau ia a noho ana. Ko ia te Heamana o Te Hauora a Toi, ā, he mema Poari ia i mua me te Heamana Komiti-iti i Te Toka Tū mai me Te Poari Hauora a Rohe o Te Tai Tokerau. He mema Poari anō ia nō ngā whakahaere hauora matua maha, hauora hapori, rāngai tūmataiti hoki tae atu ki te NZ Railways Corporation, Alliance Health Plus PHO me tētahi kamupene IT hou.

Ko Ms Shea te Heamana o te Rōpū Mātanga Māori mō te Arotake i te Rāngai Hauora me te Hauā i mua. Ko ana tūranga o mua i roto i ngā tumu whakahaere hauora ko ngā tūranga ā-rohe, ā-motu hoki i roto i te rautaki hauora Māori, tuku pūtea, kaiwhakarato me te whanaketanga ohu mahi Māori (he wāhanga nō ngā tari rāngai kāwanatanga).

Ko Ms Shea te rangatira/kaiwhakahaere o tētahi kamupene tohutohu tumu whakahaere rāngai tūmataiti tūmatanui, Shea Pita & Associates Ltd, ā, he wahine tino matatau ia ki te hanga pūnaha me te ratonga, rautaki, me te whakahau kaupapa whakaputa putanga me ngā raraunga. He tino matatau a Ms Shea i roto i te rāngai hauora, ā, he mōhiotanga anō ōna i roto i te mātauranga, te ara poutama, te ture me ngā ratonga pāpori me te Whānau Ora me te Manawaroa whānui ake.

Manatū Hauora Māori

Ms Sharon Shea (Ngāti Ranginui, Ngāti Hauā, Ngāti Hine, Ngāti Hako)

Heamana Takirua, Manatū Hauora Māori; me te māngai Manatū Hauora Māori ki te Poari Hauora Māori

He tohu BA/LLB (Tāmaki Makaurau) tō Ms Sharon Shea me tētahi Tohu Paerua Kaupapahere Pāpori Whakataurite (Hiranga) mai i Oxford University. He wahine tino matatau a Ms Shea ki ngā mahi poari whakahaere me te kāiarahi puta noa i ngā rāngai hauora, hauātanga me te hāpori. Kei Tāmaki Makaurau ia a noho ana. Ko ia te Heamana o Te Hauora a Toi, ā, he mema Poari ia i mua me te Heamana Komiti-iti i Te Toka Tū mai me Te Poari Hauora a Rohe o Te Tai Tokerau. He mema Poari anō ia nō ngā whakahaere hauora matua maha, hauora hāpori, rāngai tūmataiti hoki tae atu ki te NZ Railways Corporation, Alliance Health Plus PHO me tētahi kamupene IT hou.

Ko Ms Shea te Heamana o te Rōpū Mātanga Māori mō te Arotake i te Rāngai Hauora me te Hauā i mua. Ko ana tūranga o mua i roto i ngā tumu whakahaere hauora ko ngā tūranga ā-rohe, ā-motu hoki i roto i te rautaki hauora Māori, tuku pūtea, kaiwhakarato me te whanaketanga ohu mahi Māori (he wāhanga nō ngā tari rāngai kāwanatanga).

Ko Ms Shea te rangatira/kaiwhakahaere o tētahi kamupene tohutohu tumu whakahaere rāngai tūmataiti tūmatanui, Shea Pita & Associates Ltd, ā, he wahine tino matatau ia ki te hanga pūnaha me te ratonga, rautaki, me te whakahau kaupapa whakaputa putanga me ngā raraunga. He tino matatau a Ms Shea i roto i te rāngai hauora, ā, he mōhiotanga anō ōna i roto i te mātauranga, te ara poutama, te ture me ngā ratonga pāpori me te Whānau Ora me te Manawaroa whanau ake.

Ms Tīpa Mahuta (Waikato, Maniapoto me Ngāpuhi)

Heamana Takirua, Manatū Hauora Māori

Ko ngā pūkenga o Ms Tīpa Mahuta kei roto i ngā mahi takawaenga, rangahau, kaupapahere me te whanaketanga hāpori me āna mahi i roto i te 20 me ngā poari whakahaere ā-lwi. Kei te Pā o Waahi i Rāhui Pōkeka ia e noho.

Ko Ms Mahuta te Heamana Tuarua o Te Poari Hauora ā-Rohe o Manukau Whānui me te Heamana o Te Taumata Arowai Māori, he kaikaunihera ia i Te Kaunihera ā-Rohe o Waikato, te heamana takirua o te Waikato River Authority me te mema poari o Te Kotahi Research Centre.

I runga a Ms Mahuta i ngā tūmomo poari ā-iwi, ā-hāpori tae atu ki te Kaunihera Iwi Māori i te Poari Hauora o Waikato me Tainui Group Holdings. He tino mōhio anō ia ki ngā mahi poari whakahaere ā-taiao, i runga i te Waikato Conservancy.

Tākuta Sue Crengle (Ngāi Tahu, Ngāti Mamoe, Waitaha)

He mātanga a Tākuta Sue Crengle i roto i ngā mahi rata me ngā rongoā hauora tūmatanui, ā, neke atu i te 25 tau ia e mahi ana hei kairangahau. He Ahorangi ia, i te Hauora Māori o Te Kura Hauora o Ōtāgo. Ko te rahinga o ana mahi he tautuhi i ngā wāhi, ā, he pēhea te pā mai o ngā rerekētanga hauora, me te whakamātautau i ngā āhuatanga hei whakakore i ēnei rerekētanga. Kei Murihiku ia e noho ana.

He tino matatau, he tino mōhio hoki a Tākuta Crengle ki te pūnaha hauora, te hauora matua me te hauora tūmatanui i roto i tētahi āhuatanga Kaupapa Māori me te auraki, he tino mōhio ia ki te mahi tahi me ngā hapori Māori me ngā whakahaere, ā, he mārāma hoki ia ki ngā mātāpono o te Tiriti o Waitangi me ngā pou tarāwaho e pā ana ki te hauora.

Ko Tākuta Crengle tētahi o ngā mema tuatahi o Te Ora, ā, kei runga i te Taumata o ngā rata mātāmua.

Tākuta Mataroria Lyndon (Ngāti Hine, Ngāpuhi, Ngāti Whātua, Ngāti Wai, Waikato)

Ko Tākuta Mataroria Lyndon te Kaiārahi Ōrite i Mahitahi Hauora, ā, he Pouako Matua ia i te Mātauranga Hauora o Te Whare Wānanga o Tāmaki Makaurau. Ko ia te hoa-kaiwhakaū me te Whakataka Rongoā o Tend Health me te kaipānui-takirua o ngā whakaaturanga hauora TVNZ 'The Check Up'. He kaiārahi hauora ia i mua mō te hauora Māori i te DHB o Manukau Whānui. Kei Tāmaki Makaurau ia e noho ana.

Ko Tākuta Lyndon te Heamana Tuarua o Te Hiranga Hauora, he mema Poari nō te DHB o Te Tai Tokerau, Aktive me Manaaki Manawa.

I tutuki i a ia tōna Tohu Paerua Hauora Tūmatanui i Havard University hei Tohunga Mātauranga Fulbright, ā, i arotahi tōna tohu kairangi ki te mātauranga rongoā. I whakawhiwhia hoki ia ki te Deloitte IPANZ Public Sector Young Professional of the Year 2016.

Wahine Hira Tureiti Moxon (Ngāti Pāhauwera, Ngāti Kahungunu, Kāi Tahu)

He kaiārahi matatau a Wahine Hira Tureiti Moxon i roto i ngā rāngai hauora Māori, mātauranga, pāpori, me te ture i ngā taumata ā-hapori, ā-rohe, ā-motu hoki. Kei Kirikiriroa ia e noho ana.

Ko Wahine Hira Moxon te Whakataka Whakahaere o Te Kōhao Health o Kirikiriroa, ā, i whakawhiwhia ia i nā tata nei ki tētahi Tohu o Matariki, Te Tupu-a-Rangi mō te Hauora me te Pūtaiao. E ārahi ana a Te Kōhao i ngā kaiwhakarato ratonga Whānau Ora pātui e whitu puta noa i ngā rohe o Hauraki, Waikato, Maniapoto me Raukawa me te whakahaere i tētahi whare rata, e rua ngā whare hauora āpiti, he Kura Kōhungahunga (0-4 tau) me tētahi Puna Reo (3-4 tau).

He maha ngā poari kei runga a Wahine Hira Moxon, ā, ko ia te heamana o te National Māori Urban Authority, he Kaitiaki nō Te Puna Hauora Matua o Hauraki me te Kaihāpai i te Breast Cancer Research Trust.

He maha ngā Kōhanga Reo i whakatūria e ia i te rohe o Waikato, Hauraki me Maniapoto, ā, he rōia, rōia matua hoki ia mā McCaw Lewis Chapman (McCaw Lewis Lawyers) i Kirikiriroa i roto i te ture whenua Māori, ture Kiri Tangata me te pūnaha ture o te Tiriti.

He kaikarēme a Wahine Hira Moxon i roto i te Kerēme Hauora - 1315/2575 e pā ana ki ngā nawe mō ngā ratonga me ngā putanga hauora ā-motu mō te Māori.

Ms Fiona Pimm (Ngāi Tahu, Kāti Māmoe, Waitaha)

He kaiārahi tumu whakahaere a Ms Fiona Pimm, he wahine tino mōhio ki ngā tūranga poari whakahaere i roto i te rāngai hauora, ngā tari kāwanatanga, hapori NGO, ngā iwi me ngā rūnanga. I tēnei wā kei roto ia i ngā tūranga poari mō ngā whakahaere hauora, mātauranga me te whakangungu ohumahi tae atu ki Te Rūnanga o Ngāi Tahu me Te Poari Tukuhere o Aotearoa. Kei Ōtautahi ia e noho ana.

I mahi a Ms Pimm i waenganui pū o ngā mahi hauora, i tīmata atu ia hei Kaihangarau Iraruke Hauora ka neke ia ki ngā whakahaere ratonga hauora me ngā DHB, He Oranga Pounamu me Pegasus Medical Group.

He whānui ngā hononga rāngai hauora o Ms Pimm puta noa i Aotearoa, otirā i roto i te rāngai Hauora Matua me te Hauora Māori.

Ms Awerangi Tamihere (Ngātu Kauwhata, Rangitane, Ngāti Porou, Rongowhakaata, Kāi Tahu)

He nui ngā mōhio o Ms Awerangi i roto i ngā mahi kaiārahi mātāmua puta noa i ngā tari kāwanatanga, ngā hinonga karauna ā-rohe, te rāngai tūmataiti, me te mahi i roto i tōna iwi. Kei Tāmaki Makaurau ia e noho ana.

Mai i te tau 2019, ko Ms Tamihere te Pouwhakahaere Rangatōpū Matua mō Te Whānau o Waipāreira Trust, he kaiwhakarato ratonga mō ngā whānau puta noa i te hapori o Te Uru o Tāmaki Makaurau, e whakarato ana i tētahi ratonga hauora, pāpori, ture me te mātauranga i te wāhi kotahi. Ko Ms Tamihere anō te Pouwhakahaere Rangapū Whānau Ora mō Ngā Rangapū Whānau Ora.

I whakauru atu a Ms Tamihere ki te rāngai hauora hei kaiwhakatika reo kōrero ka uru ki te mahi mā Te Manatū Hauora ki te waihanga i ngā whakaritenga whakatutukitanga mō Ngā Poari Hauora ā-Takiwā. I mahi ia i te DPMC ki te tautoko i te whakawhititanga o Ngā Poari Hauora ki Ngā Hinonga Hauora Karauna me te mahi me Te Hononga o Te Raki ki te tautoko i te whakatinanatanga o ngā whakahoutanga.

Tākuta Chris Tooley (Ngāti Kahungunu)

Ko Tākuta Chris Tooley te Pouārahi o Te Puna Ora o Mātaatua kei Whakatāne, ko tā rātau mahi he whakarato ratonga hauora me te pāpori puta noa i te rohe o Mātaatua. Kei Ōhope ia e noho ana.

Ko Tākuta Tooley te Heamana Takirua o te Bay of Plenty Regional Skills Leadership Group, he mema ia nō te Komiti Tohutohu NEMA a te Minita, he kaitohutohu hangarau ki te Rōpū Hauora o Ngā Heamana o Ngā Iwi, ā, i runga ia i te Rōpū Mātanga KOWHEORI-19 Māori a Te Manatū Hauora.

I mua ko ia te Kaitohutohu Minita Matua ki a Tā Pita Sharples, te Minita Take Māori, te Minita Tuarua o Ngā Take Mātauranga me Te Ara Poutama i waenga i te 2008-2014, ā, ko ia hoki te Heamana Tuarua o Te Rōpū Mahi ā-Ao mō Ngā Take Iwi Taketake (2015-2019).

I whiwhi a Tākuta Tooley i te Blake Leadership Award 2020 i mua.